

اداره مرکزی :

آنقره ده ، استانبول جاده سنده آنقره
معارف امینلکی یانده کی داتره

استانبول بوروسی :

استانبولده ، آنقره جاده سنده ۸۷ نومروده
داتره مخصوصه

حیات

هپانه دامامیان ... ربابه داهایور حیات قاتالم

نسخه هپانه ۱۵ غرورده

سنة لکی پوسته ایله ۷.۵ لیرا .
(اجنئی مملکتلر ایچین ۷.۵ دولار)

ایونه وعلان ایشلری ایچین استانبول بوروسه
مراجعت ایدیلیر .
یازی ایشلرینک مرجعی آنقره مرکزیدر .

صافی : ۶۳

آنقره ، ۹ شباط ، ۱۹۲۸

۳۳ مجلی جلد

تنصر حادثه سی و حرث بحرانی

بروسه آمریقان مکتبده کی صوک « تنصر حادثه سی » افکار عمومییه اوزرنده درین بر ایز براقدی و متفکر لر مزی بو مسئله اوزرنده دوشونمکه سوق ایتدی . غزته لده ، مجموعه لده « اجنئی مکتب لری نك مضر تاثیراتی » حقنده یازیلر یازیلدی ؛ کنج لر آراسنده خریستیان میسیونر لرینه قارشى مدافعه تشکیلاتی یایمق آرزوسى بلردی ؛ خلاصه ، تورک جمعیتی و جدائی رنجیده ایدن بو « تنصر » حادثه سینه قارشى نفرت و انفعالاتی شدتلی بر صورتده کوستردی . « ملی شعور » ک بو « فوری » عکس العملی ، عجباً « دینی بر تعصب » ک نتیجه سی میدر ؟ یوقسه ، تورک جمعیتی و اونک منور صنفی ، بو حادثه ده « ملی تساند » ی بوزمغه معطوف بر « سوء قصد » موجود اولدیغنی کوردیکی ایچونمی بو قدر هیجان کوستردی ؟ « تنصر » حادثه سنک اک « حراندیش » انسانلری بیله او قدر قوتله تهییج ایتدیکنی کوردکدن صوکر ، برنجی احتماله امکان ویرمک معناسز اولور . « حیات » ک کچن هفته کی مصاحبه سنده ، امضاسنی قویمه سنک مناسبتی آ کلا یامادیم آرقاداشمز ، مجرد اولارق آلندینی تقدیرده بووقعه نك « برقاج فردک مسلمانلق جامعه سندن چیقهرق خریستیانلق جامعه سینه کیرمه سی » ندن عبارت اولدیغنی سویلیور . بنجه حادثه ، داهای صریح اولارق « برقاج فردک تورکلک جامعه سندن چیقهرق آمریقان جامعه کیرمه سندن » باشقارشی دکدر . بونک باشلیجه عاملی اولارق « مملکت مزده کی اجنئی مکتب لری » کوسترمک ده ، بنجه ، سطحی بر مشاهده در ؛ تورک چوجوقلری نك او جنس مکتب لری نیچون سنه دن سنه ده داهای فضله دولدوردقارینی ، و مملکتک سیاسی ، حرثی ساحه لده کی رهبر لری نك چوجوقلری نه نیچون اویا بانجی محیط لده کوردیکمزی داهای درین بر صورتده تحلیل ایتمه لی یز . تورک جامعه سنک

استناد کاغنی تشکیل ایدن « ملی تساند » باغ لری نك ، اوزون سنه لر دن بری ، مختلف عامللر تاثیر یله ، یاواش یاواش چوزولدیکی بو کون بر واقعه در ؛ او واقعه نك چوق اهمیتیز بر تظاهر ندن عبارت اولان « تنصر حادثه سی » کبی نه قدر واقعه لر وارک ، تورک جمعیتی ایچون اوندر داهای مضر اولدینی حالده حالا کوزمزه چاریمور . تورک حرثی ، تورک محیطی « بابایغی » کورده رک غرب مدینتی ایچنده اریمه یی آرزو ایدن ، « عصر یله شمه » یی « ملی شخصیت » دن تجر دده بولان و بونی « اک علمی واک » اوروپائی بر تلقی عدا ایدن « لووانته ن » تورکلرک عددی ، بو تنصر ایدن قیزلر کی برقاج کشیدن می عبارتدر ؛ فی الحقیقه بونلر کندی حرکت لری نك تمامیه « ملی » حتی « ملیت پرورانه » اولدیغنی بیله ادما ایدم بیلرلر ؛ لکن بو تنصر ایدن قیزلر ده ، « پروتستان اولقله » داهای « مدنی تورک » اولدق لری ادما ایتیمور لر می دیر سکز ؟ کنیدیلرینه هجوم ایده نلری « مدینتیز لکه تعصبه ، جهالتله » اتهام ایتیمور لر می صائیر سکز ؟ ایشه ، بو اعتبارله ، مسئله یی ساده جه « اجنئی مکتب لری نك مضر بر تاثیر » عدا ایتمکه قالمایارق ، خسته لنی داهای درین و داهای شامل بر کوزله تدقیقه چالیشه لم .

اولیه صانیورم که بر کون تورک جمعیتی چوق دهرین و چوق قوتلی بر « حرث بحرانی » کچیریور . « قرون وسطائی » اسلام مدینتی داتره سندن چیقهرق « عصری مدینت » داتره سینه کیرمک ضرورت حیاتیه سنده اولان جمعیتیزک « تنظیمات » دن بری کچیرمکه اولدیغنی بو « بحرانی » بوکون آرتق « اعظمی » درجه یه کلشدر ؛ و بویه اولماسی ده ضروریدی . « تنظیمات » و « مشروطیت » دور لری نك ، « اسکی قیمت » لری ییقمه دن اونلرک یاننده « یکی قیمتار » یار اتمق شکنده تجلی ایدن « تلفیقچی » سیاست لری ، جمهوریت تورکیه سنده آرتق دوام ایده مزیدی : « نظامی محکمه » نك یاننده

« شرعی محکمه » ، « مکتب » ک قارشیسینده « مدرسه » ، « ملی حاکمیت » ک فوقنده « فتوا » حاکمیتی ، خلاصه « ده موقراسی » له « نه او قراسی » ، تالیفنه امکان اولمایان متضاد مفهوم لردی ؛ اقتصادی ضرورتلر تاثیر یله شهرلی قادی ن حیاته قاریشمق مجبوریتنده قانجه ، « یزاس - ایران » مدینتیز لری نك یادکاری اولان « حرم » ، ایسترایسته مز ییقیا لجدی ؛ جمهوریت تورکیه سی بو ضروری و حیاتی انقلاب لری سرعتله تماملادی ؛ واسکی قیمت لری ، اسکی عنعنه لرک آتی برانهدامنه شاهد اولدق . آرتق بوییقیا لان قیمت لری رینه یکی قیمت لری اقامه ایتمک ، « اجتماعی تساند » ی « عصری » اساسلر اوزرینه یکیدن قوتلندیرمک ، جمعیت « یکی بر مفکوره » ، « یکی بر استقامت » ویرمک ضرورنی قارشیسینده ایدک . بوتون عصری ده موقرات ملت لری کی ، بزده ، « ملی حرث » و « ملی مفکوره » یه استناد آیکی تورک جمعیتک اساسلری نی قورمق ایسته دک . مملکتک متفکر لرینه ، فیلسوف لرینه ، مرید لرینه چوق آغیر بروظیفه دوشمشدی ؛ حالبوکه بو صنف ، بو ایشی یاپه بیله جک قدرتده دکلدی . بوخزین وضعیت قارشیسینده ، « حیات » ، اجتماعی ساحه لده « یکی قیمت » لر قویه بیله جک بویوک دماغلرک یتیشمه سنی بکله یه میه جکی جهته له ، « نظریه » یی بکله مه دن یورودی . معاصر اوروپا جمعیت لری نك مؤسسه لرینی و « قیمت » لرینی - آرا ده کی اجتماعی شرط لری نك تخالفی سببیه یالکیز « شکلی » بر صورتده - آلمغه چالیشدق . « انقلاب مزی تمام لامق ایچون ، آرتق عرب حرف لری نه ده آتهرق لاتین حرف لری نی آلمق » ایسته یلر ، ایشه بو « شکل پرست » لکک اک صریح بر نمونه سیدر لر ؛ اونلر ، بو صورتله ، « قرون وسطانک صوک بقیه سندن » ده قورتولارق « تمامیه عصری » بر حال آلا جغمزی امید ایدیمور لر ؛ دوشونیمور لر که بزی آوروپا دن ایران اک بارز فرق « ذهنیت » و « منطق » فرقیدر ؛ « دوشونمه » و « چالیشه »



تفرقه نوری : ۱۹

— قائم مقام بابا... بری آج برافا...
دده صری ایشدن چقارما... دیبه باغیریشمه
باشلادیر.

کندی آلرندن قورنارجهیه قادار آقله قارای
سجدم. اودایه کیردیکم زمان وجودم باشدن باشه
تیرموردی. قضا ایله انسان اولدورن آدمیر اوله
تخین ایدیورم که نیم بودقیقه ده حس ایدیکی حس
ایدلر.

اختیار خوجا صباح آقشام اوچ کون داترک
اوکنده کی میدان کلدی. ابریل اوقاقلی ونه سیله
نمایش یادی. دوردنجی کون ویردیکم امر اوزرینه
اونلری سواقندن قوغدیلر. فقط اومده بکمی برک
دیزی دیزی قارشیمه صیرالانان بوخی بوکوک چوجوق
خیالری، کوزومدن اویقویه دالاجم وقت «قائم مقام
بابا... آجز... اگمزی آلا» دیبه اوزاقدن
اوزاغه هابقییشان اینجه سسلی قولاغندن هانکی
ژاندارما واسطه سیله دفع ایدم.

مع مافیه ایش بوقدرده قالدی. آرتق هیچ
برشیدن پرواسی قالاان خوجانک شیمدی بوینده
طوربا ایله قاپی قاپی دیله ندیککی «اسکی بر معلم...
خی سواقغه آتدیلر... مرحمت ایدیگز» دیبه
صدقه ایسته دیککی خبر آلدیم.

بوناق، جاهل، اخلاقسز، اداره سز بر معلمی
ایش باشند برافمازدم. قانون ده، وجدان ده بکا
بو آدمی مکتبدن آتایی امر ایدیوردی. بو امری
یرنه کتیردم. حسابجه بو بوک بفرحلق دویمالیدم.
کندی کندیه ممنون اولمالیدم. حالبوکه بالکس
ایچمه درین بر صیزی وار و کندی کندیمدن
ایکره نیورم.

آکلا یورم که زمان زمان بکا اک بو بوک منفعلری،
حیاتی امال ایشیرن روح حله لریمه رغما بن ضعیف
بر آدم. هیچ بر زمان آبی بر مأمور اولامایاجم.

دیاربکر — ۱ مارت ۱۳

دفتریمه قید ایدیکم صوک خاطرته نک تاریخه
باقدم. آزادن اوچ سنه یتش بش کون کچمش.
اوچ سنه یتش بش کون آز بر زمان دکل.
فقط بومدت طرفنده باشمدن کچن وقعه لری دوشو.
نوبورم ده «بونلرک هبسی بو قادار زمانه ناصیل

صیغدی؟ دیبه شاشیورم. شرق ولایتلرنده
کزمیدیکم، کورمیدیکم بر قالدی. بر قاچ دفعه
عزل ایدلدم. بر دفعه اترایه اوغرامدم، اختلاس
ایله اتهام ایدیلرک محکمه ویرلدم. بر دفعه متعصب
قضاده دینسز دیبه خی طاشله اولدور بولردی.
بر کره وان ولایتده ملتپرور دیبه ارمیلرک سؤ
قصیده اوغرامدم. بر کره بر مملکتدن بر مملکت
کیدرکن اشقی طرفندن سویولدم. بر کره اوچورومه
یوارلاندیم. حیوانم اولدی. بن معجزه اوله رق
حیاتی قورتاردیم. شیمدی بو وقعه لرک صیراسی
بیله قاریشدریورم.

نهایت دوقوز آی اول تحریرات کابلکیلک
دیاربکر کلوب برله شدم. دمن «بوقدر وقعه
بوقدر زمانه ناصل صیغدی؟» دیبه حیرت ایدیوردم.
شیمدی ده «بوقدر زمان ایچنده بن ناصل بوقدر
دکیشدم؟» دیبه دوشونویورم.

اوت بن شیمدی بوس بوتون باشقا بر آدم اولدم.
بر کوشه ده کندی اونیوندورمقدن، باشی دیکله مکدن
باشقا برشی ایسته مه یورم.

بش آلتی سنه اول باشند محشم بر خولیا
ایله استانبولدن کلن، وقعه لری و انسانلری آزی
بولرندن دوندرمه یی قوران غافل چوجوغه شیمدی
هم کولویورم، هم آجیورم.

کچن سنه کورد عسیر قترندن بری عصیان
ایندی، بولوندیقم قضا مرکزینی یاغما ایتمک ایسته دی.
قصه ده کی ژاندارما قوقی اهلانک یاردیمه عاصیلری
قاجیردی. بوموقیت بکا مال ایدلدی.

داخلیه نظارتی بن تلطیف ایتمک ایسته دی.
ایسته سم متصرف ده اولایلیردم. فقط جوق بورغون
ونومیددم. یوقارده سویلدیکم کبی بر کوشه ده کندی
اونوندورمقدن، بر پارچه باشی دیکله مکدن غیری
آرزوم یوقدی. آجیق اولان دیاربکر تحریرات
مدیرلکنی ایستدم. وظیفه سی ومسئولیتی آز بر
ایش. کنج یاشمه رغما قاعد اولش کیم.
آرتق آتلی به سوتلیه قاریشما یورم. آرتق باشقارلرینه
یاپیلان برغدر و حقسز لک عکسی کندی قلمده
دویاراق عصیان ایتمه یورم. بو بوکله آبی کچینیورم.
کوجو کلرک اهلالرینه، خطالرینه ممکن اولدینی قادار
کوز بومویورم. کیمسه نک ایشنه قاریشما دیم،

هر کسی تصدیق ایدر کی کوروندیکم ایچون بکا
تعرض ایدن ده بک اولایور. حاصل رنکسز،
روحسز بر آدم اولدم. فقط دوغروسی راحت
برنده. کوندوزلری داترده بعضاً او بولایورم،
بعضاً بی زیارته کلن احابلرله چکه چالییورم.
آقشام اوستی داترده دن چیقنجه مأمورلرک قهوه سته
اوغرایورم. بر ایکی پارتی طاوولا اوینایورم. صوکر
وقت کراحت کلور. بر قاچ قدح راقی ایچورم.
آرقاسندن اشتاهلی بر بک و راحت بر اویقو.
بو پروغرامی آراسیرا کچه اکلنیلری بوزویور.
راقیه آلیشدیمه ممنون دکل. فقط آقشام
اوستلری غیر اختیاری انسانک اوموزلرینه بر
بر آغیرلق چوکیور، اورنالی قارارر: «برکون
داها کجی. بو بک بولیم کچه جک؟» دیبه عزون
بر وشونجه قاپیلور و بودوشونجه بعضاً درینله شیور،
کچه یارلرینه قادار دوام ایدیور. بو بدبختلک
قارشی راقیدن آبی علاج یوق صایورم. مع مافیه
بر چاره داها وار اما یازمغه دکل دوشونمکه بیله
جسارت ایدمه یورم. نه ایسه، فالسین...

۲ نیشان

بر آی اول دوشونمکه بیله جسارت ایدمه مدیکم
شی بوکون بردن بره حقیقت اولدی: اوله نیورم.
آرتق بیکار اودالرنده سورونجه جکم. تمیز بر عاظم،
ایید ایدمه به جکم قدر کوزل و وفا کار برزوجه
اولاجق.

ایشه کیردیکم، کندی اکمکی بکک باشلادیم
کونه اک بو بوک انقلاب کونم دیمشدم. چوجوقلق!
عقلیمه اوکوندن اعتباراً مقدراعه صاحب اولویوردم.
حیاتی ایسته دیکم عاقبه دوغرو سوق ایدیوردم.
آبی یاخود فنا، مسعود ویا بدبخت اولق صرف
کندی ایدمه بدی. برکشی بوتون بر دنیا ایله
ناصل اوغراش. ایلیردی؟ حالبوکه شیمدی دنیا
ایله علاقه می هان هان کسپورم. کندی می
مینی عاظمه مک سعادته وقف ایدمه جکم. شیمدیک
اومده اوچ کشی اولاجق: بر ملک کبی تمیز،
معصوم زوجهم، اونک چکیدی بوتون اضطرار
رغما بینه بر ملک کبی تمیز و معصوم قالمش آنه سی...
بر قاچ سنه صوکر آراسه بککه برابکی ده کوجوک
چوجوق قاریشما جق... - دوام ایدیور -